

НИЙСЛЭЛ ДЭХ ТӨРИЙН АУДИТЫН ГАЗАР



САНХҮҮГИЙН АУДИТЫН ТАЙЛАН

Нийслэлийн Сүхбаатар дүүргийн Өөдрөг-Энх ӨЭМТ-ийн 2025 оны санхүүгийн тайланд хийсэн аудитын хураангуй тайлан

Аудитын код: НТАГ-2026/240/НА-СТА-ОНӨҮГ

<p>Цахим хуудас: www.audit.mn</p> <p>Улаанбаатар хот 2026 он</p>	<p>Нийслэл дэх Төрийн аудитын газрын дарга, тэргүүлэх аудитор: Г.Нандинжаргал Утас: 7000-7734 Цахим хаяг: nandinjargalg@audit.gov.mn Санхүүгийн аудит хариуцсан ахлах менежер: Х.Түвшинбаяр Утас: 11315558 Цахим хаяг: tuvshinbayarkh@audit.gov.mn Аудитын менежер: Д.Отгонбаяр Утас: 11315558 Цахим хаяг: otgonbayarda@audit.gov.mn Баян ташаагийн эх аудит ХХК-ийн захирал: Т.Хоролсүрэн Утас: м99116028 Цахим хаяг: bte.audit@yahoo.com</p>
--	---

Энэхүү аудитын тайлантай холбоотой нэмэлт мэдээллийг дээрх хаягаар авна уу.



ҮНДЭСНИЙ АУДИТЫН ГАЗАР
**НИЙСЛЭЛ ДЭХ
ТӨРИЙН АУДИТЫН ГАЗАР**

Соёлын төв өргөө Г корпус, 5 давхар,
А.Амарын гудамж, 8 дугаар хороо,
Сүхбаатар дүүрэг, Улаанбаатар хот, 14200
Утас: (976) 7000 7734, Факс: (976-11) 32 01 54
Цахим шуудан: Ub@audit.gov.mn,
Цахим хуудас: www.audit.mn

2026-03-13

№

936

танай

-ны №

-т

НИЙСЛЭЛИЙН СҮХБААТАР
ДҮҮРГИЙН ӨӨДРӨГ-ЭНХ ӨРХИЙН
ЭРҮҮЛ МЭНДИЙН ТӨВИЙН ДАРГА
Т.ГОЁЧИМЭГ ТАНАА

Сөрөг дүгнэлт

Төрийн аудитын тухай хуулийн 4 дүгээр зүйлийн 4.1.4, 6 дугаар зүйлийн 6.3.1, 8 дугаар зүйлийн 8.2, 8.4 дэх заалт, Төсвийн тухай хуулийн 21 дүгээр зүйлийн 21.1, Эрүүл мэндийн даатгалын тухай хуулийн 21 дүгээр зүйлийн 21.6-д заасны дагуу Нийслэлийн Сүхбаатар дүүргийн Өөдрөг-Энх өрхийн эрүүл мэндийн төвийн 2025 оны 12 дугаар сарын 31-ний өдрөөрх санхүүгийн байдал, орлогын дэлгэрэнгүй, өмчийн өөрчлөлт, мөнгөн гүйлгээний тайлан, тодруулгуудад аудит хийлээ.

Бидний үзэж байгаагаар Сөрөг санал дүгнэлтийн үндэслэл хэсэгт тайлбарласан алдаа, зөрчлийн мэдэгдэхүйц нөлөөллийн улмаас 2025 оны 12 дугаар сарын 31-ний өдрөөрх санхүүгийн байдал, орлогын дэлгэрэгүй, өмчийн өөрчлөлт, мөнгөн гүйлгээний тайлан, тодруулгуудыг бүх материаллаг зүйлсийн хувьд Нягтлан бодох бүртгэлийн тухай хууль, Санхүүгийн тайлагналын олон улсын стандартын дагуу үнэн зөв толилуулаагүй байна.

Сөрөг санал дүгнэлтийн үндэслэл

Төрийн аудитын байгууллага аудит хийхдээ Аудитын дээд байгууллагын олон улсын стандарт, түүнд нийцүүлэн Монгол Улсын Ерөнхий аудиторын баталсан журам, зааврын дагуу гүйцэтгэж, аудит хийгдэх байгууллагаас хараат бус, аудиторын ёс зүйн үүрэг хариуцлагыг биелүүлж ажилласан. Бидний цуглуулсан хангалттай бөгөөд зохистой аудитын нотолгоо нь дүгнэлт өгөх үндэслэл болно.

Санхүүгийн тайланд хийсэн аудитаар нягтлан бодох бүртгэлийг иж бүрэн хөтлөөгүй, харилцах дансны үлдэгдэл болон авлага, өглөгийн дансны үлдэгдэл зөрүүтэй, хөрөнгийн тооллого хийж тооцоо бодоогүй, үлдэгдлийг тулган баталгаажуулаагүй зэрэг нийт 974.5 сая төгрөгийн залруулагдаагүй зөрчлүүд нь бидний тогтоосон материаллаг байдлын түвшнээс давсан, дангаар буюу нийт дүнгээрээ болон шинж чанарын хувьд санхүүгийн тайланд материаллаг бөгөөд өргөн тархсан байна. Энэ нь Санхүүгийн тайлагналын олон улсын стандарт, болон Төсвийн тухай хууль, Нягтлан бодох бүртгэлийн тухай хууль, Төрийн аудитын тухай хууль, Төрийн болон орон нутгийн өмчийн тухай хууль, Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хууль, Нийгмийн даатгалын ерөнхий хууль, Хувь хүний орлогын албан татварын тухай хууль, Эрүүл мэндийн тусламж үйлчилгээний тухай хуульд нийцээгүй, санхүүгийн тайлагналын "эрх ба үүрэг", "тохиолдсон байх", "оршин байх", "толилуулга", "нийцсэн бөгөөд зохистой байх", "иж бүрэн байх" батламж мэдэгдлүүдийг хангахгүй байна.

Асуудлыг онцлон тэмдэглэсэн хэсэг

Тус эрүүл мэндийн төв нь Эрүүл мэндийн даатгалын ерөнхий газраас нэг иргэнээр тооцсон зардлын санхүүжилтээр 402.4 сая төгрөгийн, 4 төрлийн тусламж үйлчилгээг үзүүлж гүйцэтгэлээр 93.7 сая төгрөгийн, дархлаажуулалтын зардалд Сүхбаатар дүүргийн Эрүүл мэндийн төвөөс 4.3 сая төгрөгийн санхүүжилт авч зарцуулсан байна.

Аудитын гол асуудал

Аудитын гол асуудал гэдэг нь тайлант үеийн санхүүгийн тайлангийн аудитад хамгийн чухал нөлөөтэй хэмээн мэргэжлийн шүүн тунгаалтаар бидний авч үзсэн асуудал байна.

Тус төв нь Эрүүл мэндийн даатгалын ерөнхий газартай сэргээн засах үйлчилгээ, гэрээр үзүүлэх үйлчилгээ, оношилгоо шинжилгээ, өдрийн эмчилгээ гэсэн 4 төрлийн тусламж үйлчилгээ үзүүлэх гэрээ байгуулж ажилласан байна.

Гол асуудлыг санхүүгийн тайлангийн аудитын хүрээнд бүхэлд нь харгалзаж, аудитын санал дүгнэлтээ илэрхийлэхэд авч үзсэн бөгөөд энэхүү гол асуудлын талаар бид тусад нь дүгнэлт гаргахгүй.

Бусад асуудлын хэсэг

Нийслэлийн Сүхбаатар дүүргийн Өөдрөг-Энх ӨЭМТ-ийн 2025 оны гүйцэтгэлийн гэрээний биелэлтийг Нийслэлийн Засаг даргын 2026 оны А/47 дугаар захирамжаар 89.6 хувь, Эрүүл мэндийн даатгалын ерөнхий газраас эрүүл мэндийн анхан шатны тусламж, үйлчилгээ, худалдан авах даатгалын гэрээний биелэлтийг 92.0 хувийн гүйцэтгэлтэй гэж үнэлсэн байна.

Санхүүгийн тайланд өгсөн бидний дүгнэлт бусад мэдээллийг хамраагүй болно.

Удирдлага болон Засаглах эрх бүхий этгээдийн санхүүгийн тайланд хүлээх үүрэг, хариуцлага

Удирдлага нь санхүүгийн тайланг Нягтлан бодох бүртгэлийн тухай хууль, Санхүүгийн тайлагналын олон улсын стандартын дагуу үнэн зөв бэлтгэж толилуулах үүрэгтэй.

Санхүүгийн тайланг залилан эсвэл алдааны улмаас үүсэх материаллаг буруу илэрхийлэлгүй бэлтгэхэд шаардлагатай гэж үзсэн дотоод хяналтыг тодорхойлж, хэрэгжүүлэх үүрэг хариуцлага хүлээнэ.

Төрийн аудитын байгууллагын үүрэг, хариуцлага

Төрийн аудитын байгууллага залилан эсвэл алдааны улмаас үүсэх материаллаг буруу илэрхийллээс санхүүгийн тайлан бүхэлдээ ангид эсэх талаарх үндэслэлтэй баталгаажуулалт олж авах, дүгнэлт, зөвлөмж бүхий аудитын тайлан гаргах зорилготой.

Үндэслэлтэй баталгаажуулалт нь дээд түвшнийх боловч үнэмлэхүй түвшний баталгаажуулалт биш бөгөөд АДБОУС-ын дагуу хийсэн аудитаар бүх материаллаг буруу илэрхийлэл бүрийг илрүүлнэ гэсэн баталгаа болохгүй юм.

Буруу илэрхийлэл нь залилан эсвэл алдаанаас үүсэж болох бөгөөд дангаараа эсвэл нийлээд уг санхүүгийн тайланд үндэслэн гарах хэрэглэгчдийн эдийн засгийн шийдвэрт нөлөөлөх үндэслэлтэй байвал материаллаг гэж үздэг.

ДАРГА, ТЭРГҮҮЛЭХ
АУДИТОР



Г.НАНДИНЖАРГАЛ

2. АУДИТЫН ИЛРҮҮЛЭЛТ

Аудитаар нийт 478,346.9 мянган төгрөгийн зөрчил¹ илэрснээс 1,800.0 мянган төгрөгийн зөрчилд 1 төлбөрийн акт тогтоож, 476,546.9 мянган төгрөгийн зөрчлийг таслан зогсоож, давтан гаргахгүй байх 7 албан шаардлага хүргүүлээ.

Санхүүгийн тайлангийн аудитын зөрчлийн нэгтгэл

/мянган төгрөгөөр/

Зөрчлийн товч утга	Нийт зөрчил		Үүнээс					
			Төлбөрийн акт		Албан шаардлага		Зөвлөмж	
	Тоо	Дүн	Тоо	Дүн	Тоо	Дүн	Тоо	Дүн
2024 оны санхүүгийн тайлангийн аудитаар Хязгаарлалтай санал дүгнэлт өгсөн, дээд газрын шийдвэргүйгээр нягтлан бодогчид 1,800.0 мянган төгрөгийн балансын урамшуулал олгосон байна.	1	1,800.0	1	1,800.0				
Байгууллагаас авах 2,888.0 дансны үлдэгдлийг тооцоо нийлсэн актаар баталгаажуулаагүй, авлага дансны үлдэгдэл санхүүгийн тайлангийн тодруулгаас зөрүүтэй байна. Өглөгийн дансанд 10.945,5 мянган төгрөгийг нотлох баримтгүй өглөг бүртгэсэн байна.	1	13,945.5			1	13,945.5		
Тайлант онд худалдаж авсан 15,924.9 мянган төгрөгийн бараа материал, 709.9 мянган төгрөгийн шатахуун нийт 16,634.9 мянган төгрөгийн бараа материалын орлогын дансанд бүртгээгүй шууд зардалд бүртгэсэн,	1	16,634.9			1	16,634.9		
Нярав бараа материалын тайлан гаргадаггүй, 29,719.5 мянган төгрөгийн бараа материалын жилийн эцсийн тооллого хийж тооцоо бодоогүй байна.	1	29,719.5			1	29,719.5		
Санхүүгийн тайлангийн харилцах дансны 99.6 мянган төгрөгийн үлдэгдлийг тулган баталгаажуулахад 7,337.7 мянган төгрөгийн зөрүүтэй байна.	1	7,337.7			1	7,337.7		

¹ Хүнин төгөлдөр үйлчилж буй хууль тогтоомжид харшлах байгууллага, түүний удирдлага, байгууллагад ажилладаг бусад хувь хүний санаатай болон санамсаргүй үйлдэл, эс үйлдэл.

Нийслэлийн Сүхбаатар дүүргийн Өөдрөг-Энх ӨЭМТ-ийн 2025 оны санхүүгийн тайланд хийсэн аудитын хураангуй тайлан

Эрүүл мэндийн даатгалын ерөнхий газраас авах авлагын тооцоо нийлсэн актаар баталгаажсан үлдэгдлийг санхүүгийн тайланд 19,197.9 мянган төгрөгөөр зөрүүтэй бүртгэсэн байна.	1	19,197.9			1	19,197.9		
Үндсэн хөрөнгийн дансны үлдэгдэл 216,824.3 мянган төгрөгийн хөрөнгийн жилийн эцсийн тооллого хийгээгүй, тооцоо бодож үлдэгдлийг баталгаажуулаагүй байна.	1	216,824.3			1	216,824.3		
Дүн	7	305,459.8	1	1,800.0	6	303,659.8		

Санхүүгийн тайлангийн аудитаар шалгасан нийцлийн аудитын асуудал

АДБОУС 4000.16-д нийцлийн аудитыг санхүүгийн тайлангийн аудиттай хослуулан хийх тохиолдолд аудитор аль стандартыг дагаж мөрдөхийг үнэлэх, нийцлийн асуудлын талаарх дүгнэлтийг санхүүгийн тайланд өгөх аудиторын дүгнэлтээс тусад нь салгах хэрэгтэй гэж заасан байна.

/мянган төгрөг/

Зөрчлийн товч утга	Нийт зөрчил		Үүнээс			
	Тоо	Дүн	Албан шаардлага		Зөвлөмж	
			Тоо	Дүн	Тоо	Дүн
<i>Шилэн дансны тухай хуулийн хэрэгжилттэй холбоотой зөрчил</i>						
Шилэн дансны цахим системд аудитын тайлан, дүгнэлт, зөвлөмжийн мөрөөр авч хэрэгжүүлсэн арга хэмжээний тайлан, дараа жилийн төсвийн төслийн мэдээллийг тус тус хугацаа хоцроож мэдээлсэн байна.	1	496,125.0	1	496,125.0		
<i>Бусад хууль тогтоомжтой холбоотой зөрчил</i>						
Нийт хөрөнгө, ер төлбөр ба эздийн өмчийн дүн 172,887.1 мянган төгрөгөөр илэрхийлэгдсэн санхүүгийн тайлангийн үлдэгдэл, санхүүгийн тайлангийн тодруулгаас зөрүүтэй, үлдэгдэл нотлогдохгүй байна.	1	172,887.1	1	172,887.1		
Дүн	2	669,012.1	2	669,012.1		